

四庫全書存目叢書編纂委員會編


齊魯書社

四庫全書存目叢書

集部
第三五冊

責任編輯：孫言誠 賀 偉

ISBN 7-5333-0615-5



9 787533 306151 >

BB47/09

四庫全書存目叢書·集部三五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 45.125 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第三五冊目次

集部·別集類

商文毅公集十卷

〔明〕商輅撰

中國人民大學圖書館藏明萬曆三十年劉體元刻本

一

萊竹堂稿八卷

〔明〕葉盛撰

山東省圖書館藏清初鈔本

一三九

卞郎中詩集七卷

〔明〕卞榮撰

南京圖書館藏明成化十六年吳挺刻本

三三五

白沙先生詩教解十卷詩教外傳五卷

〔明〕陳憲章撰 湛若水註

北京大學圖書館藏明刻本

五二四

彭文憲公集四卷附錄一卷殿試策一卷

〔明〕彭時撰

北京大學圖書館藏清康熙五年彭志楨刻本

六二三

商文毅公集十卷

〔明〕商輅撰

中國人民大學圖書館藏明萬曆三十年劉
體元刻本

附《四庫全書總目·商文毅公

集十卷》提要

商文毅公集十卷明商輅撰輅字弘載淳安人有幼穎敏書過目不忘下筆千言甫弱冠則以文章弁兩浙舉試第一正統乙丑會殿試皆第一有明三百年來三試第一者僅輅一人而已官至吏部尚書謹身殿大學士卒諡文毅輅為人平粹簡重寬厚有容至臨大事決大議毅然莫能奪其志英宗復辟時以忤石亨輩被誣下獄後文毅公集
一
題識
廢為民八年生平著述僅素菴文集數十卷而已後經兵燹亡者十九隆慶中莆田鄭君於其故宅笥中得輅遺文若干卷以其文皆致君澤民之學大有裨於世治因付之梨棗不久又遭殘燬萬曆辛丑劉體元涇茲邑宰懼文獻之漸湮慨然屨工繕重梓內分為表講章奏疏序記雜著墓誌墓碑詩等共十卷其詩文多為館閣時

之作不出當時曄緩之體而最有價值者
則為奏疏二卷如防邊務一疏凡陳二事
其一論養軍莫善於屯田其二論守邊為
上守關次之守京為下又弭災疏內言八
事一節財用二却貢獻三開官路四慎刑
罰五省工役六足軍餉七飭邊備八重地
方至勅西廠太監汪直十大罪狀之疏均
在集中其正氣凜然足為後人所法讀是

文毅公集

題辭

二

書更知明中禁之官庭混亂西廠太監之
專權誠足補正史之不足也丙申北種前
旬日南州後人徐湯殷識



商文毅公文集序

當景泰易儲之議興商文毅公甫以
史館修撰入內閣輔機政次第六輒
毅然倡大義吐昌詞深明其不可率
雖見格然風槩凜凜為四海所歸
笑廟復正大位首召對許以忠義荷意大
用之以嘗忤石亨輩見誣毀遂被廢

者八年

文毅公集

序

憲皇嗣統即家起公仍入輔政歷尚書學
士晉少保自參密勿熙泰符忠結
人主之知而以身任天下重業光叙三辰
陶冶萬彙裒然一代名臣矣比公引
疾得

請歸卧淳安山中士大夫既仰其弼亮
之功猶惜未盡公深醕之學迄于今
百五十年去公甚久而學士慕公殘

膏腴馥以為鸞龍之輝吉光之羽可
聞不可易見蓋希世一人也而公寔
闇然不自耀生平所有述作一切刊
削藁草不甚傳又游經兵燹亡者十
九僅存遺文若干卷蓋子孫蒐故牘
筥中得之而邑侯鄭君刻之以不朽
公者歲月浸久板亦就敝楚劉侯宰
淳邑政教具舉猶擢文獻之漸湮既

文獻集

序

上

然孱工校繕重錄之木屬不佞為之
序不佞因得率榮三復於公諸疏草
而益歎成化初政之美也我明

列聖相承道化亦既熙洽矣至

憲皇時而鴻昌茂明不翅登三皇而咸五
帝也乃今指數所繇輔弼賢佐經
邦締國遠猷辰告動輒

祖訓以防

人主之欲引正闕失令

官府肅穆海宇晏謐者文毅之力居多
若早定

國本開弘治十有八年至治公首啓之
社稷寔式靈焉公歸而劉萬諸公繼之政
亦少渝不敢望公後塵乃中外更群
然思公然後知公為社稷臣也公於
他詩文冲然於中而不甚為藻泊然

文獻集

序

上

於思而不甚為劇典雅有則若清廟
之瑟朱絃踴越一唱而三歎有餘音
足以鳴

國家之盛矣公繇省元上春官遂大魁

天下

公車對策第一人海內所欣豔之以此
顧此乃文士奇遇耳非

國家所重也宋時以三元稱者無慮數

人獨王沂公文章政術為真仁兩朝
名宰相公數歷三朝精誠貫日月而
事業表於旂常瓌奇卓絕國史紀為
邦家光後先與沂公相輝映以為不
愧科名然公寔重科名也假令公僅
以三元稱餘無所表見於世身滅名
亦泯矣顧足重耶是故論文毅之不
朽在

文毅公集

卷序

四

社稷不亦文章是知文毅哉

賜進士第中憲大夫奉

勅提督軍務巡撫福建等處地方都察院

右僉都御史前奉

勅提督湖廣學政副使禮部郎中錢塘金

學曾撰

商文毅公文集序

蓋英謂之應一代興也勛業文章朋
與馳袞聲於寓博芳躅迺可振今懿
楷足於表後稱不朽焉皇或素迪舛
鏃而支樹者歟恢儒縱詞章琳屢徒
惡惡訕哦聞彼其人何如故草玄之
作奚必識於虞範而實王帝京一篇
介於閭閻數種靡不煒燁編軸緣之

文毅公集

序

卷序

國朝南宮公於越之淳安宣德中以

某休冠浙錄正統乙亥年試南宮大

對

彤庭皆首唱為三

餘海內傾聽聲今猶振耳類

經筵啓沃之隆及

憲皇廟謨之重相業苑即按之求志達道

果符聖袞乃其行垣發之唾餘悉皆
雅憚真藻載炳石渠者豈徒虛擷粉
績侈頌方廣家將萬世所軌藉也元
自家食時喜讀公篇章憾未竟其全
既膺

畿甸良鄉之令以兕邦靖薦於楚得入成
均與

公之孝廉孫之藝同文簞稱莫逆交迨

文彙公集

卷序

六

繼領淳安牧始獲拜

公像閱其全集率皆致君澤民之學標
見于說講表疏間言言盡楷佶弗譎
偉猷珎論大有解於世治它若詞章
之富佑妥平揮直抒真趣毫不假之
鉛養詩曰樂只君子邦家之光其勛
業文章大並炳著者真不朽畝也夫
啓菴而憲概按葉而景行當牧者得

無意哉矧淳庠倖偶巍出材品日異
重梓是集以為士君子倡則匠古乃
廢今之資經程固媿先之槩讀其文
未必無所興之者以故壽之鐫
皆

萬曆壬寅歲仲冬月吉旦知淳安縣事
漢陽劉體元頓首拜書

文彙公集

卷序

七

商文毅公集目錄

卷一

表一首

講章七首

卷二

奏疏九首

卷三

奏疏九首

卷四

序一十五首

文毅公集

卷之一目錄

卷五

序二十四首

卷六

記一十七首

卷七

雜著一十二首

卷八

墓誌一十首

卷九

墓碑六首

卷十詩

五言古風六首

五言律詩三首

五言排律三首

七言古風二十六首

七言律詩七十五首

七言絕句二十二首

文毅公集目錄終

文毅公集

卷之一目錄

二

商文公集卷之一

後學漢陽劉體元編

浦城徐一成校

庠生汪士翬

六世孫商之相同校

表

進續宋元資治通鑑綱目表

茲者奉

勅以宋元二史編資治通鑑綱目今已成書謹用繕

寫裝演進

文毅公集

卷之一

呈臣輅誠惶誠恐稽首頓首上言伏以經以載道

闡萬世之文明史以輔經昭累朝之鑒戒東魯

大聖刪述於前考亭大儒祖述於後此春秋為

經中之史而綱目實史中之經嗣是以來諸家

並作著宋史者茫無定論撰元書者罔有所秉

或難於遡金而昧正統之歸或成於草率而失

繁簡之制或善善惡惡之虛實或是非非之

弗公況其前後牴牾予率率張翥就鈔

有能會於一者是誠賢侍於

今日也

天啓

皇明誕膺

景運我

成祖文皇帝崇儒重道稽古右文既表章子經書獨

未遑於史鑑恭惟

皇帝陛下

睿知聰明

聖神未武

重華協

帝於昭丕顯之誠

文毅公集

卷之二

五福錫民建用惟皇之極諮詢治道

日御經筵講經史聖訓維殊道並行而不悖綱目

傳舊而作詞愈約而益精爰因書法同異之疑

嘗有儒臣校讐之

命鑲之文梓

賜諸廷臣

嘉惠及於萬年

文命敷於四海乃者載發

九重之詔俾續二代之編跡宋元之盛衰法儒先

之褒貶大開兩局筆札給自

尚方務備一家史官公於遴選搜羅剔抉存六信

而傳其疑論討研磨詳其大而畧其細惟趙宋

自建隆之創業積而為慶曆之昇平迨熙豐之

紛更馴以致靖康之禍亂比偏安於江左竟訖

錄於海南其中命令之施紀綱之布國體安危

之係民生休戚之關大書特書咸擬往牒王例

變例悉本成規彼勢丹出自鮮卑女直起於渤

海皆以桀黠之虜割據於隣壤亦為采撫其事

附見於當時若胡元之主中華尤世運之丁極

否冠履倒置夫地晦冥三綱既淪九法亦毀第

已成混一之勢矧復延七八之傳故不得已大

書其年亦未嘗無外夷之意末紀

天兵之征討實彰

帝業之輝煌汎掃腥羶之風復還禮樂之俗謨遠三

年鬼方之伐威加六月繼統之師此我

太祖高皇帝再闢乾坤登修人紀龍興功總高五帝

而冠百王者也 翰筆才不足以及建繼權之宜

學不足以盡古今之變仰承

隆命愧乏良史之三長俯竭微勞已見星霜之再

易總以四百餘年之事萃成二十七卷之 上

文毅公集

卷之一

三

微

經緯少塵

睿覽伏望

正大綱舉萬目隆

世道於亨嘉

典教化淑人心保

鴻圖於悠久 臣等無任瞻

天仰

聖激切屏營之至謹 奏隨

文毅公集

卷之一

四

進以

聞

經緯 奏章

為曰俞哉帝光天之下 王 敢不敬應

這足虞書益稷易更益記為因帝與有庶頑諛

說之虞欲其遠著德輝永賢勸功以感人心

事為是帝舜臣名曰俞哉者是以帝舜加威於

庶頑諛說之言為然而有未盡然之意也帝是

帝舜先是德之光輝大為以為庶頑諛說之人

與其加之以威不若明之以德蓋德者感 人

心之本其光輝之所及宜無遠而不至不可
以化頑愚讒說之人而且足以感萬邦黎民之
賢是故大而蕩蕩無外之天下必使帝德之光
輝無不逮有若日月之照臨焉遠而海隅蒼生
之絕域必使帝德之光輝無不至無有彼此之
間焉帝德光輝遠著如此黎民之賢孰不感
慕於是星羅棋布之邦懷才抱德者皆有立於
王朝之心分茅胙土之國佩仁服義者咸有為
帝股肱之願或受以臣鄰弼至之寄或任以翼
為明聽之官惟帝時舉而用之爾故曰至于海
云時舉敷納下陳而上納也明庶者明其衆
庶也禹又以為賢者既已見用人君當有以察
其心大凡有德者必有言能言者未必有德故
必敷納以言以觀其蘊固有能言而行不逮行
之遠者必著其功故又明庶以功而考其成果
有功者既錫之以輅車乘馬復錫之以玄衮及
黼所以厚其報也故曰敷納云云以庸人君於
賢而有功者既厚其報如此將見天下之人皆
曰下有賢而受上之賜我何敢不讓於善哉維
庶頑讒說亦改其不善而為善矣天下之皆

曰上以功而厚下之報我何敢不精白一敬
應之哉雖庶頑讒說亦改其不忠而為忠矣故
曰誰云云應臣嘗論之自古人君之治天下使
人變惡而為善者未有不本於已德之明也以
帝舜之重華協帝其德未嘗不明登用元凱其
賢未嘗不舉五載之內群后四朝明試以功車
服以庸勸功之道亦未嘗不行也大禹因其有
庶頑讒說之慮猶拳拳以是為言可見聖人之
心德愈盛而愈不足功愈隆而愈未至此其神
化宜民之妙有非後之能及也與伏惟
皇上弘天地之德漸民以仁化愚頑於四海修身以
道來賢俊於萬方予以時亮天工予以隆長
寶祚撫安一統垂拱萬年天下臣民不勝慶幸
予視天一至奈何不敬
這是述夏書五子之歌第一章言國以民為本
人君固結民心當以敬為本的意思予是五子
自稱三失言所失者多也明是彰著圖是圖謀
昔者五子作歌以戒其兄太康以為人君安危
係乎民心向背民心向之則安背之則危人君
能戒這樂不遁聲色不殖貨利則得人心為

天子鉅四海之廣萬民之衆無不愛戴歸仁之
矣人君若失法度盤于遊田溺于逸豫則失人
心而為獨夫雖一夫之寡一婦之愚亦能勝乎
我矣一失已不可矣況至于再再失已為多矣
況至于三一人至于三失則民心之怨昔豈在
言之而後彰表之而後明哉人君之失彰著如
此當何如以禹之誠以禍患之機藏於細微其
始也非常人之所豫見及其著也雖知者不能
善其後故必豫謀之於事幾未形之時所謂圖
難于其易為大于其細使禍患之機不生于心

文毅公集

卷之一

七

危亡之失不見於事可也故曰予視天下云
是圖臨者蒞也朽者腐也六馬是指天子所乘
之車也朽索易絕六馬易驚駘是心有恐懼而
不敢有忽之謂五子之意以為民心無常去留
靡定我之治之如朽索之馭六馬順其性則調
良服馭而為我用亦猶我能順民所欲而民無
不歸乎我也拂其性則驚蹶顛踣而為我患亦
猶我之逆民所好而民無不叛於我也予臨兆
民凜乎若朽索之馭六馬可畏如此為人上者
奈何不敬乎故必戒謹于居上臨下之際而不

敢有或忽恐懼於寵綏四方之日而不敢有或
怠可也如是常厥德而保厥位故曰予臨
兆民云云不敬臣嘗論之古昔聖帝明王之治
天下未嘗不興起於不見是圖之先而覆敗于
見而後圖之日亦未有不以敬而成以忽而隳
者觀於堯之欽明舜之溫恭禹之祗台德先湯
之聖敬日躋當時四方有風動之休而萬邦有
咸寧之効者本於此也至若苗之昏危桀之威
侮則反是矣此皆萬世所當鑒戒者也伏惟

文毅公集

卷之一

八

治要敬

天法

祖得華夷萬國之歡心于以保

宗社於萬年于以馭臣民於四海斯世斯民不勝

慶幸

威克厥愛允濟至衆士懋戒哉

這是夏書胤征篇史臣記胤侯承王命往征羲
和誓告軍旅欲其用兵之際當勉於嚴明而戒
夫姑息之意克者勝也允者信也胤侯之意以
謂軍旅主威威則人有所懼愛不主兵愛則人

無所畏故凡行師之際當使威勝於愛毋使愛勝於威威勝於愛則人知所懼而以令則行以禁則止啟其尊君敬上之心堅其舍生取義之志弱者以強懦者以勇是惟無動動則無不得其所歎而事信乎其有濟矣故曰克厭克允濟愛勝於威則人無所畏而驅之不往招之不來遂其好生惡死之情成其趨吉避凶之願強者自衛勇者自保是惟無舉舉則必不能有所濟而功信乎其無成矣故曰克厭克允固功衆士是指胤侯所掌六師而言懋是懋勉戒是

文毅公集

卷之一

九

戒懼胤侯又謂凡爾從我往征最和之衆當知嚴明勝於姑息而有允濟之利必懋勉於威克厭愛使有諸已可也當知姑息勝於嚴明而有無功之患必戒懼於克厭克厭使無諸已可也故曰其爾衆士懋戒哉臣嘗考之兵法有曰畏我者不畏敵其即威克厭愛之意既畏我不畏敵則有以破敵矣此其所以允濟也又曰畏敵者不畏我其即愛克厭威之意既畏敵不畏我則無以勝敵矣此其所以無功也由此觀之後世善於用兵而知勝敗之所由者誠亦本於此

也伏惟

太祖

太宗戡定禍亂則克愛之威隆於湯武撫安億兆則好生之德繼乎唐虞是以

皇上以聖繼聖威德兼隆於四海致謳歌朝覲之畢歸

宗社永固於萬年使華夏蠻貊之率俾臣民何幸生逢其盛

先王昧爽丕顯 至 啓迪後人

這是商書太甲篇伊尹勉太甲以先王成湯勤

文毅公集

卷之一

十

於明德以行其政廣於求賢以輔其後的意思先王是指成湯而言昧者晦也與者明也昧與云者是言欲明未明之時不顯云者是言大明自己之德坐以待旦急於行也在昔伊尹誠恐其君太甲不能全盡君道致有忝於乃祖成湯故舉成湯之事告之歎其念聽之不忘也欲明未明未與物接之時志慮所未動也成湯恐有一毫私欲自累故於此時恐懼修省大明其德焉未與物接動作未形之際人之所易忽也成湯恐有一毫私意自蔽故於此際洗濯澡雪以

不顯其德焉然徒丕顯其德而不見諸行事是
為徒善不足以為政既大明其德矣由是不遠
寧處坐以待旦推此德於事為之間惟恐四海
蒙其休者有弗逮也形於寤寐措是德於設施
之際惟恐生民被其澤者有或後也故曰先王
云旦然湯之心以為吾能動於修德以行其
政安能使吾子孫亦皆孜孜為善不遠寧處也
哉於是廣求賢才以為輔導之計夫俊彥者才
德出衆之士其學明聖賢大學之道其心存忠
信愛國之誠必欲本文百世宜君宜王非俊彥
不足以開其端必欲子孫千億為聖為賢非俊
彥不足以導其至成湯知其然也是以廣而求
之不惟求之於一國又必求之於天下使其子
孫欲有謀焉賴之以開導欲有為焉資之以啓
迪故曰旁求俊彥啓迪後人成湯為天下萬世
慮至深遠矣宜乎伊尹以為太甲告也臣嘗論
之自古帝王之治天下其要在於修德用人二
者而已前乎湯而君天下者唐堯也惟曰克明
俊德登庸元凱卒成協和萬邦之休後乎湯而
君天下者文王也惟曰克慎明德克用宅俊卒

成修和有夏之美堯舜湯文既皆不外此道則
凡有天下者其可舍是而他求哉伏惟
皇上以聖繼聖統御華夷法前聖丕顯待旦之勤宵
旰不遑於寧處體
祖宗求賢輔後之意俊良咸遂於登庸克綏
先王之祿於萬年永底蒸民之生於萬世臣等無任
願望懇祈之至
若升高必自卑 王 必求諸非道
這是商書太甲篇伊尹告太甲以進德致謹聰
言的通理伊尹之意以為先王成湯之德固為
子孫者所當鑒觀矣今至親法先王豈可一蹴
而至哉是故立愛必自親始由親觀而後至於
仁民愛物立敬必自長始由長長而後至於尊
祖敬天辟之升千仞之高者必始於低下而後
千仞可升行萬里之遠者必始於旁近而後萬
里可至蓋言進德之序不可以躐等也故曰若
升云云邇然伊尹之意又以為凡民之事人情
所易輕也一日輕之或以貽千萬人之憂今王
當思其難慎重而不敢輕兢兢焉如朽索之馭
六馬可也人君之位常情所易安也一日安之

或以致千百年之患今王當思其危戒懼而不敢忽業業焉如臨履之遇淵水可也然伊尹之意又以為人情孰不欲善其終特安于縱欲以為今日姑若是而他日固改之也然始而不善而能善終者寡矣今王即政臨民之初其可以不致其謹乎故曰無輕民事云云慎終于始雖然即政臨民之初所當務者固無不知苟或聽言不審猶未足以矯情之偏也是故鯁直之言人所難受也今王之於此言豈可遽以其違於心而絕之當揆之于理果有所合而利吾行不可以不納焉異順之言人所易從也今王之於此言豈可遽以其違于志而聽受之當質之於道果有所違而害吾治不可以不拒焉忘其言之逆順審諸理之當否則忠言謹論日陳於前邪佞之辭無自而入矣所謂有言逆云云非道者以也伊尹以此五者欲太甲矯乎情之偏其忠愛之情何如哉厥後太甲果能克終允德而無愧於先王成湯延二十六王之傳衍六百餘年之業夫豈外於此哉仰惟

皇上聖由天縱德與日新制治保邦常存亦臨亦保

文毅公集

卷之一

十三

之志聽言納諫允懷好問好察之心
國家求保於萬年治化長隆於四海端在今日矣
伏惟
聖明留意

任官惟賢才 至 惟和惟一

這是商書咸有一德篇史臣記伊尹告太甲言
臣職所係甚重用人不可不謹的意思官是泛
指百官有司而言賢是特指君主庶民之賢
才是能足以修政立學之乃伊尹言凡百官有
司必得如此之人而後可以委任故曰任官惟

文毅公集

卷之一

十四

賢才左右專指輔弼大臣而言人是有出類拔
萃非常之才德正已正人匡直之謀獻伊尹又
言輔弼大臣必得如是之良而後可以備選故
曰左右惟其人百官有司輔弼大臣雖有不同
而其為上為下之職則無少異為上執有過於
輔成君德陳善開邪獻可替否而不阿其意之
所從朝夕納諫盡忠輔過而惟引其君於善道
必使君為堯舜之君而後為為上為德為下親
有過於澤潤生民簡穢器修稼政急乎農事未
之以金棗車讓庫序申孝悌明乎人倫教之以